

## Headlines

1. प्रधानमंत्री नरेंद्र मोदी होरें देशवासिएं ते टकोहदा करियै उद्योग ते स्टार्ट अप्स कन्नै जुडे दे युवाएं गी एहदे म्यार गी लेइयै जोर देने दी अपील कीती।
2. प्रधानमंत्री नरेन्द्र मोदी होरें 18एं बरें दे होआ करदे सबनें नौजवानें गी आग्रैह कीता जे ओह पक्क गै अपने आपै गी इक मतदाता दे तौर उप्पर पंजीकृत करोआन।
3. अज्ज राष्ट्रीय सैलसफा दिवस मनाया जा'रदा ऐ। उप राज्यपाल मनोज सिन्हा होरें दुनिया भरै दे लोकें गी जम्मू कश्मीर औने दा साहा दिता।
4. गणतंत्र दिवस दे सरबंधै च जम्मू कश्मीर च सुरक्षा व्यवस्था अलर्ट पर। जांच नाके, गश्त, ड्रोन ते सीसीटीवी कैमर लाए गेदे न। कब्जा रेखा ते अन्तराष्ट्रीय बन्ने पर चौकसी बदाई दिती गेदी ऐ।
5. 16मां राष्ट्रीय मतदाता दिवस पूरे जम्मू खित्ते च उत्साह कन्ने मनाया जा'रदा ऐ।



## PM-MKB

प्रधानमंत्री नरेंद्र मोदी होरें देशवासिएं ते टकोहदा करियै उद्योग ते स्टार्ट अप्स कन्नै जुडे दे युवाएं गी एहदे म्यार गी लेइयै जोर देने दी अपील कीती ऐ। अज्ज आकाशवाणी पर “मन की बात” प्रोग्राम च अपने बचार सांझा करदे होई मोदी होरें आखेआ जे भारत दी अर्थ बवस्था तेजी कन्नै अगड़ा बदा'रदी ऐ ते दुनिया भारत गी दिक्खा'रदी ऐ। उनें लोकें गी देसा च बनने आहले हर समेयान दे म्यार गी बेहतर बनाने दा संकल्प लैने दी अपील कीती। उनें आखेआ जे एकसीलेंस गै बैचमार्क होना लोड़चदा। उनें अगगे आखेआ जे इयां करियै गै मुलख विकसित भारत दी बक्खी अगड़े सफर गी तेज करी सकोग।

प्रधानमंत्री होरें आखेआ जे 10 ब'रे पैहले जनवरी 2026 च मुल्लखै स्टार्ट अप इंडिया दी शुरूआत कन्नै इक बड्डी यात्रा शुरू कीती ही। मोदी होरें गलाया जे अज्ज भारत दुनिया दा त्रीया सभनें थमां बड्हा स्टार्ट अप्स इको सिस्टम बनी गेआ ऐ। राश्ट्री मतदाता ध्याड़े पर मोदी होरें आखेआ जे मतदाता लोकतंत्र दी आत्मा न। उनें आखेआ जिल्लै बी कोई मतदाता पैहली बारी वोटर बनदा

ऐ तां पूरे मोहल्ले, ग्रांस या शैहरै गी उसी बधाई देने ते मिठाई बंडुने लेई किट्टे होइयै आना लोडचदा।

एहू गल्ल करदे होई जे मुल्ल कल गणतंत्र दिवस मनाग, प्रधानमंत्री होरें आखेआ जे अज्जै दे ध्याड़े गै संविधान दिवस लागू होआ हा ते लोकें गी संविधान बनाने आलें गी श्रद्धांजलि देने दा मौका दिंदा ऐ।

आजमगढ दे लोकें दी बड़ेयाई करदे होई जिनें Tamsa नदी गी नमा जीवन दित्ता, मोदी होरें आखेआ जे Tamsa सिर्फ इक नदी गै नेई ऐ, एहू सदिएं थमां सांस्कृतिक ते धार्मिक विरासत दा इक जीवंत धारा ऐ। मोदी होरें आखेआ जे भजन ते कीर्तन सदिएं थमां भारती संस्कृति दी आत्मा रेय न ते अज्जै दे युवाएं भक्ति दी भावना गी अपने तजुबें ते जीवनशैली च शामिल कीता ऐ।

मोदी होरें पच्छिम बंगाल दे कूच बिहार दे बिनाय दास दा जिक्र कीता जिनें इक्कले गै अपने जिले गी हरा-भरा बनाने पर कम्म कीता। उनें आखेआ जे “एक पेड़ मां के नाम” तैह्त्त अजें तगर मुल्लै च 200 करोड़ थमां मते रूख-बूट्टे लाए जाई चुके दे न।

<><><><><><>

### LG Tourism Invitation

अज्ज राश्ट्री पर्यटन ध्याड़े दे मौके पर उपराज्यपाल मनोज सिन्हा होरें दुनिया भरै दे सैलानिएं गी जम्मू-कश्मीर औने दा साद्दा दित्ता ऐ। उनें पर्यटकें गी इत्थूं दी परम्परा ते शांति ते अनोखे मेल दा अनुभव करने दा बी आग्रह कीता। मुख्मन्त्री उमर अबदुल्ला होरें बी जम्मू-कश्मीर दी बेजोड़ प्राकृतिक सुंदरता, शांत नजारे ते इत्थूं दी सांस्कृतिक विरासत गी उजागर कीता ऐ। उनें स्थाई पर्यटन गी बढ़ावा देने आस्तै सरका दी प्रतिबद्धता गी दोहराया तां जे प्रदेश च आजीविका होऐ, पर्यावरण दी राक्खी होऐ ते पूरे खेत्तर दे स्थानीय समुदायें गी एह्दा लाहू हासल होऐ। तोआई, प्रशासन बी स्थानीय हस्तशिल्प ते व्यंजनें गी बढ़ावा देआ”रदे न जेदे कन्नै जम्मू-कश्मीर हर सैलानी आस्तै इक शानदार थाहू बनी गेई ऐ।

<><><><><><>

## LG JK Police

लेफ्टिनेंट गवर्नर मनोज सिन्हा होरें जम्मू-कश्मीर पुलस दे बहादुर अधिकारिं ते कर्मिं गी दिली बधाई दिती ऐ जिनेंगी गणतंत्र दिवस 2026 दे शुभ मौके पर वीरता पदक, राष्ट्रपति विशिष्ट सेवा मेडल ते मेधावी सेवा मेडल कन्नै सम्मानित कीता गेआ। एल.जी सिन्हा होरें जम्मू-कश्मीर सुधार सेवा कर्मिं गी बी बधाई दिती ऐ जिनेंगी मेधावी सेवा मेडल कन्नै सम्मानित कीता गेआ ऐ। सिन्हा होरें आखेआ जे मुख्य जम्मू-कश्मीर पुलस दा दलेरी ते समर्पण दी बड़ी मती प्रशंसा करदा ऐ ते अगगे आखेआ जे तुंदा शौर्य ते ईमानदारी राष्ट्र लेई गौरव दी किरण बनियै चमकदा रवै।



## Security

गणतंत्र दिवस थमां पैहले केंद्र साशत प्रदेश च सुरक्षा निगगर करी दिती गई ऐ ते सुरक्षा बल बड़े पैमाने पर इलाके च बक्ख-बक्ख अभियान चला'रदे ना। आकाशवाणी जम्मू संवाददाता दी रिपोर्ट मताबक जम्मू-कश्मीर दे सब्बे 20 जिलें च खास करियै बन्ने आहले इलाकें च सुरक्षा बदाई दिती गई ऐ जेदे च शिड़कें पर नाकाबंदी गड्डिं दी जांच, सुरक्षा घेरा ते तलाशी अभियान शामिल ना। अंतरराष्ट्री सीमा ते नियंत्रण रेखा पर पुलस ते अर्ध सैनिक बलें दी व्यापक तैनाती कीती गई ऐ। सुरक्षा गी तगड़ा बनाने लेई ड्रोन ते हाई रिजोलूशन सीसीटीवी कैमरें दी बी मदद लैती जा करदी ऐ।



## Voters Day

16मां राष्ट्री मतदाता दिवस बक्ख-बक्ख जिला हेडक्वार्टरें च बड़े जोशो-खरोख ते सामाजिक जज्बे कन्नै मनाया गेआ। इस समारोह दा मकसद लोकतंत्र प्रक्रिया च लोकें दी सरगर्मी कन्नै शमूलियत गी बढ़ावा देना ते वोटरें च जागरूकता गी बदाना ऐ। पुंछ च डिप्टी कमिशनर ते जिला चुनांस अफसर अशोक कुमार शर्मा होर इस मौके पर मुख परौहने हे।

16में राष्ट्री मतदाता दिवस गी उधमपुर च बी बड़े जोश कन्नै मनाया गेआ जेदे च राष्ट्री मतदाता दिवस 2026 दा मुख विशे “मेरा भारत, मेरा वोट” हा, जेदी टैगलाइन ही “Citizen

at the heart of Indian democracy". पूरा आयोजन डिप्टी कमिशनर उधमपुर सलोनी राय हुंदी दिक्ख-रिक्ख च कीता गेआ।

इस चाली साम्बा च बी 16मां राश्ट्री मतदाता दिवस बड़े जोश ते जज्बे कन्नै मनाया गेआ। इयां गै रियासी च बी 16मां राश्ट्री मतदाता दिवस बड़े गर्मजोशी कन्नै मनाया गेआ।

